

John ka Gaius-matoo Tubona

¹Nu mu nanesootuhi tunedyoedu ka e besa pua'a Gaius-matoo tubokwu. Togesapa u e besa pua'a. ²Ka oosapa u manenokwuna nu u nanesootuhikute, o'no soo Te Naa ka besa u nanesootuhi me'a besakoosoo u sootuhikwu. ³Susumudu umu Te Pabe'e-wi tunaka'oedyukudu nu-baa petudyipunne yise mu e nobenedyidu-makoo nu meeoo tunaka, u e tooe tuukwe'e, u toge kaaheno Te Naa besa podo meadape. ⁴Ka umu e besa pupua'amu Te Naa besa podo me'a, mee nu mu nakana besa mu-matoo nakasoonamme.

⁵E pua'a, u besa manakwe. Ka mu wakwawa'a mu-baa petuse ka Te Naa besa unnepu mumme mu tunedyoo'e u sakwa tubetse besa mu matugu. ⁶Mu u-baa nobenemodu ka kodyu petuse besa u-kwitu nemadabue, u besa mu matugu ka Te Naa tamme tunetammaku-kwa'nesoo. Oosoo besa'yoo ka besa mu matuguna, ⁷umu manatooe ka Te Pabe'e besa unnepu wahammo'o. Umu gi ka mu gi tunaka'oedyukudu natummatzi tuungu. ⁸Ta sakwa ka mu nanesootuhibu numu tunedyoedu maka, ka yoo manena ta ka Te Naa togesapa unnepu mu tuukwe tummatza'e.

⁹Mooasoo nu mu tunaka'oedyukudu-matoo tubo pana soo Diotrefhes mee naneadu gi ne nakabetse'a, oosoo ka puu mooe nadatsungakwu mee tusooyugwena. ¹⁰Nu ka mu-baa petugase nu mu tuukwekwu oosoo nana numme-witu esaya'e. Oosoo tuwazoo gi ka mu nanesootuhibu nu-mu tunedyoedu mu-baa petuna petzape. Oosoo nana ka mu numu nanesootuhibu tunedyoedu tu nanumu umu tummatza'e, mu ne'yooikuhooyakwe. Ka nanesootuhibu mu numu tunedyoedu mu maka, ka mu-no tuwazoo mu nanesootuha'e mu tayahooyakwe.

¹¹E pua'a Gaius, ta sakwa gi ka Diotrefhes-wa'ne suda tumatugupana. Soo tooe haga tooe besa tumatugudu tookwa Te Naa doodooamu. Soo tooe haga tooe suda tumatugudu tookwa gi Te Naa sopedakwadoo. ¹²No'yoona numu meeoo, soo Demetrius besa kaaheno numu tunedyoedu. Nu punno'o u tuukwe'e oosoo kaaheno numu tunedyoedu u yise namekoosoo ne sopedakwattoo numme gi esagoedu. ¹³Nu ewasoo u tuukwe penipana gi ooka e sukwe bona petzape. Sumuna saa'a nu u-baa petugakwu. O'no saa'a ta oetu nanatuukwedooa.

¹⁴“Ka Gaius sootuhi,” mee nu ka Te Naa-matoo u nanesootuhikuyakwe. Ta pupua'amu yaatu u nemayuyakwe. Nu punno'o ka umu e pupua'amu u-baatu nemayuyakwe.